



Broj: 01-2-7-1/26

Datum: 06.02.2026.godine

**OBAVJEŠTENJE RODITELJIMA/STARATELJIMA
UČENIKA SA STATUSOM REZERVACIJE
ZA PRODUŽENI BORAVAK**

Poštovani roditelji/staratelji,

ovim putem Vas obavještavamo da su **uslovi, kriteriji i postupak prijema učenika u produženi boravak JU OŠ „Malta“ Sarajevo unaprijed propisani, javno objavljeni i svima jednako dostupni**, i to:

- na **web stranici škole**,
- na **ulaznim vratima škole** (što znači da su informacije PRIJE UPISA bile dostupne **24 sata dnevno** svim zainteresovanim roditeljima/starateljima).

Napominjemo da je u **prijavnom obrascu jasno naznačen način prijave**, kao i činjenica da se prijave zaprimaju **isključivo putem e-maila**, uz primjenu principa **redoslijeda zaprimanja potpuni prijava**.

Škola je putem **automatskog odgovora na zaprimljeni e-mail** roditelju/staratelju **nedvosmisleno dala do znanja status prijave**, uključujući i informaciju da prijava ima **status rezervacije**, nakon što je utvrđeno da su raspoloživa mjesta već popunjena.

Ističemo da su **sva raspoloživa mjesta (ukupno 26) popunjena dana 01.02.2026. godine do 11:11 sati**. Sve prijave zaprimljene **nakon tog vremena automatski su evidentirane sa statusom rezervacije**, bez izuzetka.

U slučaju da neko od primljenih učenika **odustane od korištenja produženog boravka**, škola će **isključivo putem e-maila obavijestiti roditelje/staratelje sa liste rezervacija**, prema **redoslijedu vremena zaprimanja njihove prijave**.

Naglašavamo da je **vrijeme i datum zaprimanja e-mail prijave jedini objektivan, mjerljiv i dokaziv kriterij**, koji je:

- provjerljiv svakom roditelju/staratelju,
- jednak za sve,
- i kao takav **isključuje svaku mogućnost koruptivnih, proizvoljnih ili nedozvoljenih aktivnosti u postupku popunjavanja mjesta u produženom boravku**.

Napominjemo da je **nemogućnost prijema djece u produženi boravak isključivo objektivne prirode**, te je uslovljena:

- ograničenim prostornim kapacitetima škole, i
- maksimalnom dozvoljenom brojnošću grupa propisanom **Pedagoškim standardima i normativima**, koje je škola dužna striktno poštovati.

Zahvaljujemo roditeljima/starateljima na razumijevanju, strpljenju i povjerenju, te ih uvjeravamo da će škola, u slučaju oslobađanja mjesta, postupati **pravovremeno, transparentno i jednako prema svima**, u skladu sa važećim pravilima i listom rezervacija.



Svjesni smo da produženi boravak predstavlja **značajnu podršku porodicama**, naročito roditeljima koji su zaposleni i imaju potrebu za sigurnim i organizovanim boravkom djece prije ili nakon nastave. Upravo zbog toga u potpunosti razumijemo zabrinutost i razočarenje roditelja čija djeca trenutno nisu mogla biti primljena.

Nažalost, škola je, zbog **stvarnih prostornih, kadrovskih i organizacionih mogućnosti**, kao i **obaveze poštivanja Pedagoških standarda i normativa**, **prinudena ograničiti broj učenika u produženom boravku na ukupno 26 učenika**. Ovo ograničenje nije stvar izbora škole, već zakonska obaveza koja ima za cilj sigurnost djece i očuvanje kvaliteta rada.

Dužni smo vam ukazati da:

- **Zahtjevi za izuzeće od primjene kriterija utvrđenih Odlukom školskog odbora neće biti odobreni.**
- **Zahtjevi za uključivanje učenika u produženi boravak mimo utvrđenih kriterija, kao i svi oblici pritisaka, molbi ili pokušaja uticanja na redoslijed liste rezervacija na nedozvoljen način, neće biti razmatrani niti prihvaćeni.**
- **Škola neće postupati po zahtjevima koji podrazumijevaju ili sugerišu bilo kakvo neobjektivno, selektivno ili koruptivno djelovanje, te očekujemo od roditelja/starateljada se uzdrže od upućivanja takvih zahtjeva ili vršenja pritisaka na zaposlene u školi.**

Konačna lista prijema i lista rezervacija **ne mogu biti objavljene prije okončanja upisnog perioda**, budući da se iste mogu formirati tek nakon što se zaprimanje prijava završi u cijelosti.

U skladu s tim, **informacija o listi rezervacija će dostavljena u mjesecu martu**, nakon što se steknu svi formalni uslovi za njeno sačinjavanje.

S poštovanjem,

VRŠILAC DUŽNOSTI DIREKTORA ŠKOLE

Dostavljeno:

Amsar Hadžimujić

1. Web stranica škole
2. Oglasna ploča